

KENESE

1:1-25 Kotimo makata su rakisiapo.

1-5 Wáte fana su risikiasiraka Kotimo tipe hauwaka teta rakisiapo Hauwaka susuraka makata meta risiafapo. Arirakano Koti Hemakapura he kîma reapo. Su ererakano Kotimo someraka "faesie." Aírakano faesapo. Kotimo aseraka faerane koterakano yano motoraka faepo. Faepe katosá teta parakuraka taku katosane yano motoraka erepo. Ane yape menomo ayáka rakisiapo. Kotimo somerakano amore he aeyaka huturu yapura hisiapo. Kotimo yano motoraka tipo. Ane yape tetamo ayáka rakisiapo.

9-10 Kotimo somerakano he kara sari-marakano hauwaka porasa faserehesapo.

11-13 Kotimo somerakano asipa hase oro kaputa sakarè ira makata su tanehesapo.

Su sapekeamo wainesapo. Ane yape isiamo ayáka rakisiapo.

14-19 Kotimo somerakano sére maíya ere maíya ti makata pesapo. Maíyamo sére maíya Kotimo mareraka ereamo ere maíya ti makata sóko Kotimo maresapo. Aíyane fae-sa rekenapo. Yaki kupa murikimako Kotimo sére maíya ere maíya ti makata rakisiapo. Ane yape kitafamo ayáka rakisiapo.

20-23 Kotimo someraka makata su hea risiane mareraka pokoa mukiane hea maresapo. Makata su hea kawé risike wainesapo. Kotimo mena su rakisiane wainesapo. Ane yape kakoreamo ayáka rakisiapo.

24-25 Kotimo someraka saro maká sikina makata su korakatorane hauwaka murisiapo. Ane sóko kuyare fiwa kerewe

makata su hauwaka purane Kotimo rakikia
murisiapo. Makata su Kotimo rakisiane
wainesapo. Makata su korakatoaki makata
nakosa fana rakisiane Kotimo kasápo.

1:26-2:25 Amano Kotimo rakisiapo.

1:26-2:25 Kotimo amano rakiako hemaka-
pusuapo. Aporo hinamo epo sóko rakisiapo.
Aporoane hinamoane Kotimo ipi ayáka muriki-
maka rakisiapo. Kotimo ororo maka aporo
rakiraka ipi himuhane aporo sapea fohoane
turikia pusuapo. Kotimo aporoane Atame
yano motosapo. Kotimo hemo kára rakikia
hemoa Atame karikia pusuapo. Hemoane Itene
hauwaká reke hemoane makéraka pekereapo.
Hemo tipia ira kukunafonona reke ira watè-
ane amanomo neane kurafapo. Ira kaira sóko
a reapo. Kotimo Atameaki someraka "nómo

hemo koteaka asekea rekeanie. Hemo tipia
ira kaira reke ira watèane nómo nekea ma-
kata kotesane makata watikisane kaiyako-
sapo. Ira watèane nakopo. Nenaka kukusapo."
Aírakano Kotimo ororo mokoá makata koraka-
tora rakisiane Kotimo Atame rea karikia
perakano Atamemo makata su yano motosapo.
Kotimo someraka "Atame ipi hakasa reke ko-
tesafapo. Nómo ipipoko hinamo rakiakosapo.
Hinamoamo Atame arareraka ipi Atamemo
àseahokosapo." Aírakano Kotimo Atame ka-
kàro wámarekea Atame kamape Kotimo màka
kau mapirisiapo. Kamape makane hinamo
Kotimo rakisiapo. Atame turirakano Atame
rea hinamoane Kotimo karikia pesapo.
Hinamoane Atamemo aseraka someraka "né
ano ayiriapo. Kotimo ano kamape maka né

rakisiapo. Nòmo né yano horaka hinamopo." Atamemo aísapo. Arirakano aporomo ipi wafayape kaiya teta metakarikia hinamope aporo teta tati haku rekenapo. Kotimo someraka "tetapo hokosa hokono mareanie. Makata su tetapo asekea rekeanie." Aírakano aporo hinamo paeyako risike kaiyasafapo. Kotimo makata su rakisiane asekea makata su asesane nàmo kotesapo. Ane yape namamo ayáka rakisiapo. Kotimo rakikia fáraka yape yatipinumo ipi fenesapo. Kotimo someraka "yatipinu maíya hakupo." Kotimo aísapo.

3:1-24 Himu amanomo mawatikisapo.

1-7 Kuyaremo makata mukiaka kairaka hinamoaki someraka "ira watè hemoa risiane Kotimo nakoposare?" Aírakano hinamomo

someraka "etapo ira watè neane siahoasi-
reapo. Hemo tipia ira kaira watèane neane
siahoasifareapo. Neane eto kukusapo."

Aírakano kuyaremo someraka "teto kukusafapo.
Nómo makata kotesa sóko watikisa sóko
kaikia rekeakosapo. Teto Koti ayáka rekeno
Kotimo makatane kairapo." Aírakano hinamomo
ira watèane sesésapo. Watèane epo tumaraka
nekea taku apia karakáno nesapo. Nesámo
námó kakáro kairapo. Paeyako risike kai-
rapo. Ira ku mokoá kuane iriraka hinamomo
ira kuane kesápo. Aporomo ira kuane fiti
tapisiapo.

8-21 Nenenakano Koti hemoa korakare-
keno Koti perakarakanó tetapo kairaka ira
patera fararisiapo. Kotimo wáraka "teto
ma rekenare?" Aírakano aporomo someraka

"né perakarano kairaka ano paeyako reke námoraka farareapo." Aírakano Kotimo someraka "epamo néaki somerakasare? Ira watè yaposane nómo tumaka nesare?" Aírakano aporomo someraka "hinamo anoaki nómo karakáno hinamoamo anoaki ira watè karakáno nómo nesapo." Aírakano hinamomo someraka "kuyaremo kotafe somerakano ira watè nómo nesapo." Aírakano Kotimo kuyareaki someraka "asiakipoko né harepa hauwaka korakarekeako-sapo. Nómo ní manoyaki hinamomo hokosayaki yunuhokosapo. Hinamomo ipi hokosa korake tipia nómo rurakano epo né wamoa rukusapo." Aírakano hinamoaki Kotimo someraka "né hokosa takaperamo ní kau tèhokosapo. Ní aporoane nómo hemakapurakano ipi né unihaehokosapo." Aírakano Kotimo Atameaki someraka "asiakipoko hauwaka hakapi nómo

mataneheakosapo. Ira watèane nakosakipoko
nómo wakapuaka rakiakosapo. Maiya suamo
yaiya rakiraka reke yia keseke kukusapo.
Fana nómo ororo maka né rakirakano keseke
né efera hauwaka yia paripukusapo." Aíra-
kano Kotimo maká kau asia m̀aka pasu asia
rakirakano tetapo maká kau pasu asiane oso-
sapo. Atamemo ipi àsea Ifi yano motosapo.
Hinamōane amāno suamo hakanapepo.

-22-24 Atamepe Ifi tetapo makata kote-
sane makata watikisane kairapo. Ira kuku-
nafonona watèane aporomo nenapaka Kotimo
tati pusiesapo. Arirakano hemo kotesapoko
Kotimo hefene aporo (anekero) ikia fairaka
~~ira kukunafononakipoko ikia faisapo.~~ Fe-
repe peroperoraka hi kakanoraka reapo.
Aporoamo ipi àsea tati hemo kotesane

metakarikia hauwaka meta rakisiapo.

the Summer Institute of Linguistics.
Publication costs have been
graciously underwritten by the World
Home Bible League.